

SYLSEH-NI KATTA RONGCHU
(Story)

ARO

A.CHIKNI MITAM TOE AGANANIRANG.

An.tangtangna jakbikpilmabe
ka.saarang, Indiba Isolni ka.o-
nangana biap on.bo. Rom. 12 : 19.

By

Sudhindra Marak,
Resu-Belpara.

1st Edition—1949.

PRINTED AT THE SHILLONG PRINTING
WORKS, QUALAPATTY, SHILLONG.

Dam.....⁸

Sylseh-ni Katta Rongchu.

I

Ruutbea bilsirang re.angaha, A.chik a.songo Kristian toromko aganprakgipā mande, uno dongjachim. Ua salrango, A.chik songni badiaba a.bri jolni song songsao, A.chik mande jiksesa gnang. Ua songo uamang jikseseasan, cha.a ringani aro gana chinani gri onge songdongpagipa ongachim. Uamangni cha.asianio ontiti ka.dimeaniko manna depante ba demechik saksaba uamango gri. Achak, menggo aro gipin mikmalgiparang mangmangba, uamangni noko janggi tangna man.ja. Cha.sekgipa mese, chibrim aro ugita gipin janggi mangiparangba uamangni nokko gelachim. Bilsisa aro gipin bilsirang batangmanoba nok namrorojaha. Iako nike uamang jiksesa duk man.beaha. Fring walaoni at-tam walaona uamang a.bao kam ka.rongaha. Indiba cha.ani ebuongjachim. Iani gimin noksulrang, uamangko sao man.gimin jik se ine chanchiachim. Ra.chak-sto3 cha.pana, noksulrang mamungkoba uamangna on.jaha aro bon.chotaoara, jamang jiksese ia songo gro katta jee dongdilgipa mandechi ia songoni rikatako man.srangaha. Ia gital duk-ara, iamang jikseseana chipugamni bisina baten gisik aro

an.gimikko saknaatbatani ong.aha. Uamang da.o a.gilsakni mamungon pangchakpana man.jaha. Jeba ong.bo, mandeskamung ong.gija gipin burunggrimo tangna ba sina, uamang da.o antangtango tarina nanga. Rasongtango duk onge aro mandeskana krat cha.e, da.nang iamang jik-se, ruutbee ka.sagimin noktango jringjrotna wate re.angaha.

2

Tu.bea duko sripe be.en aro janggiko jitangeng-gipa ia jik-seara rama gimikko ku.gri ong.e bonatna nangachim. An.tangtango dakchachina ine sal-gichi salko uamang nigitoaha. Indiba sal srik-srik ongaha. Gitchoenggipa aramko nichaaha; indiba aram kurang on.jachim. Dal.dalgipa rong.brak aro darerangba uamangna mamung ka.sachakani kamko mesokjaha, Chel.bee re.angmanoa, uamang walko simdimdim niksoaha aro rong.kol damsas uamangni mikkangon ong.ahachim. Ia rong.kolan da.o uamangni nok ong.aha. Walo jajong aro askirang salgio naaha. Indiba, walni-wal olakie dakchakaniko bi.beoba iamangba mamungkon aganchakjaha.

Walsao, gisikni pilak saknaanirango maebakae guale, uamang sakgnian tusinapbeaha. Unon, rupani ga.surangko skotango gangipa saksa nitobegipa

mande, jumango mikkang pa.e uamangna aganaha.
 "Nitobegipa aro na simaugko naljokgipa demechik
 basakoba na simango atchigen." Iako agane, ma-
 mungkoba aganchakna ba sing.na man.kujaon, ua
 mande rangsanang bangbango gimaangaha. Segipa
 aro jikgipaba ia apsan somoeo aro ua apsan nikani-
 kon nikpaaha. Mikrake, uamang aiao inmanbee
 agangrikaha aro ia nikani bitena sengna, sakgnian
 tariaha.

Bilsirang re.angaha aro apsan dukkon man-
 angkuaha. Uamangna jumango ku.rachakani, indin
 ong'aha ine uamang chanchina a.bachengahachim.
 Ia salrangni gisepo, jikgipa antangni oko bi.sako
 ui.aha aro uko segipanaba aganaha. Ding.karini
 pringsao, jeon burungni sam bolrang mikka sepang-
 ana an.sengtokmiting ong.a aro gital bijakrangko
 pilakchin nika. ka.dongsoa bi.sako an.pakani somo-
 eba uan ong.aha. Salsao iamang jiksesana a.gilsak
 namen dingtangachim. Do.kua, moena aro gipin
 ring.gipa do.orang, knatogipa gitrangko mangsani
 ja.mano mang gipin ring.aha. Mikmalgijagipa mat-
 burungrang, nokni menggo gita sontolan aro bamani
 gisikko gane, uamangni nokona re.bae maekoba
 aganna ska gita dikdikprak neng.takangaha. An-
 pakna saknaenggipa me.chikara, sam cha.e tengto-
 aoni joka gita da.o ia katchaaniko nika, tom.tomon

bi.sako jako man.aha. Jumango agangimin gita bi.sara me.chik ong.achim. Bi.sako nike da.o uamang pil.sa kusi ong.a aro pil.sara kena aro duk ong.ani ong.aha. Bi.sani nitoa uamangni kadongsoanina changni chang batachim. Ma.a paa an.tangtangde nitogipa ongpaja. Saoba bi.sako, ia nitogijagipa ma.a paani jako nikode; gipinni bisako cha.ue aldua ine chanchigenchim. Ianan uamang duk man.aha aro gisiko kenaha. Jeba ong.bo, adita salrangui ja.mano uamang ia bi.sana Sylseh bimungko on.aha; jean uamangna Sylgipa ba nitogipa ine mangsongani ong.a Cha.ue aldua potaoni jokna, uamang ia bi.sako adita bilsirangnade noktango jrip-jrip donuaha.

4

Gital duk aro jajrengani, da.o ma.a paana naaha. Bi.sako man.aha, indiba maeko ganatchinatgen aro indake nitobegipa bi.sako maedake sane tangatgen aro sawa ia bi.sana kragipa skianiko on.gen? Duk ong.bee iarangko agangrikengmitingo, rupani ku.sikko gangipa jaksa do.rong, maiba katomsako chikkapgrime bangbango meraba.e nokni sarao, katomko onchongate donangaha. Ia nikronggijako nike, bi.sani ma.a paa aiao inmanaha indiba katomko nie, uano bi.sana chola, jaksan, sliting aro gipin mingnama gana chinanirang donga ine nikaha. Iana, do.rongrangko mitelna ma.a paa gualjaha.

Bi,sani bilsu batroroaha aro uni nitoa aro gisik seng.aniba uno chusokrorobaaha. Salsao, ma.a paa a.bao kam ka.engmitingo, bi.sa Sylseh, nokni sepango dilsa chiringni sal nanggipa aro apalgipa anchengo, sapau jinmao bibal ripok pate kal.grikengachim Unon saliachibara mangsa do.kua, nitogipa bolgrim damsani bilbae, sonani gomina (a musical instrument) ge.sako Sylseh-na onchongate bolgrimchi pilangaha. Bi.sa, kusi ong.bee uko kolaha aro ua apsan dikdikon knatobegipa sulrang uni ka.tongo atchiaha. Sal saliaha, ma.a paa am.enggnok. Sylseh iako uie, sapau jinmako wate, gomina totroroe noktangchi pilangaha.

Ma.a paa gominani ku.rangko knaaha indiba Sylseh sokbakujachim. Ia knaronggija aro knatobegipa kurangara salgioni gam.baa ine ma.a paa chanchiaha. Uamangni ka.tongo ka.srokan suakaha aro sakgnini gisepo agangrikkuanggijan uamang jiksesa nokni/sarao skatangtang chrokaha. Sylseh sokbae ma.a paani kusi ong.a aro chrokengako nikaaha. Ua aiao inmanaha; maina ma.a paani kusi ong.ako da.o mangmangsan ua nikpaengachim. Sylseh kusi ong.beaha aro gomina totako dondikenba ma.a paani mikkango on.titi kadingsmitaha. Ma.a paa deldikdik ongaha aro Sylsehara uamangni de-

mechik aro bisamangmangsan ong.oba, uamang an-
tangtangni chrokanina chanchie kratcha.aha. Ja-
mano, ia gominani gimin pilakkon ma.a paa ui.aha.

Pringgipino, ma.a paa an.tangtangni chrokako
gisik ra.e kratchakuengoba; knagimin gominani
knatogipa ku rangko dikdiksaba gualna man.jachim
aro knatimtaena skaha. "Ai, sul mingsamangmang
nang.ni gominako totboda" Pagipa inaha. Unocha-
cha sal nana a.bachengenga aro do.drang aro mitam
matburungrang, seng.ana kusi ong.e aro cha.aniko
am.roroe, uchi iachi re.bildangtokmitingchim. Syl-
seh, ka.dingsmite an.tangni gominako bikote, ku-
chilo chikape knatogipa sulrangko totna a.bacheng-
aha. Do.drang aro matburungrangba gominani ku-
rangko knae aro knatonikbee pilakan, a.bri aro
noksikantioni chimongbaaha. Sylsehni sulrang in-
ditan knatimngiparangni ka.tongko rim.aha je, mat-
burungrang aro do.drang ma.malantian an.tangtang-
ni ja.a aro gitokni jadilrangko tom.tom rakina
ampiljaha. Kusi ong.dugae mitamrang chrokaha,
mitamrang sko gakgutimaha, mitamrang mikehi
ong.aha aro mitamrang ring.sningna joton ka.aha.
Ma.a paa bi.sani changaniko nike aiao inmantae-
beaha.

Sylseh, dikdiksa dondike ma.a paa sing.aha,
"Angko chrokboma?" Pagipa inaha. "Dikdiksa

chrokbo ai " Sylseh antangni gominako dongale, git ringe chrokna a.bachengaha. Oh! maerongpile da.o gipin aiao inmanani! Oh! da.sina bate Sylsehni gitchakgipa ku.chilrang uno nitobataha. Chrokana balbringenggipa Sylsehni ching.chetgipa knirangko sona ginchi balpronga gita uno nika.

Jol.engsigipa indiba krae milgipa Sylsehni nitogipa jak ja.arangni changanti il-enganian, nitimngiparangni ning.tubatgipa ka.tongko rimaha. Mite me.chiksama? Ma.a paa, matburung aro do.drang pilakan, aiao inmanbee sriksrik niaha. Aiao inmanana ku.ange, uamangni ku.chi ran.changkujana kingking Sylseh chrokaha. Gominako ongipa do.kua antangba aiao inmanpilaha aro agilsak gimik nikpagenchimode, ua antangan aiao inmanbee jago.kgnokchim.

6

Sylsehni ma.a paa kangalbegipa ong.a. Gana chinaniko pangnaba uamang Sylsehna onna man.kuja. Do.rongrangni on gimin gana chinanirangko rongtalatna sabon ba gipiaba uamango dongpaja. Uni giminan, Sylsehni gana chinanini gimin na.simang uina skenga. Bakgitchak ong.mitingosa dorong jak, Sylsehna gana chinanirangko on.aha. Uarang minggittam rongni ong.a. Gipok, gisim aro sonani rong. Jeba ong.bo, uarang bakgitchakna

krae chonchonbegiparangsa ong.a. Da,o uni bils
 batroroenga aro Sylseh dal.oroenga. Ugitan Syl
 sehni gana chinanirangba bimangni kri dal.oroenga
 aro pagnaba surijachim.

7

Salsao, ma.a paa a.bao kam ka.engmitingo,bi.sa
 Sylseh noko saksan ong.taeaha. Ma.a paani dukni
 gimin ua ning.tubee chanchiaha aro uamangko dak
 chakna, bi.sani kri cholrangko am.na ua nokoni
 ong.kataha. Unochachan, rupani ku.sik gnanggipa
 manggni do.rongrang, bangbango una mikkang pa
 aha aro Sylsehni chanchianiko uie rasongni chimi
 kona uko re.dilna ku.rachakenga gita, kragipa kam
 rangchi Sylsehna mesokachim.

Sylseh ia do.orango ka.dongbenade man.ja indi
 ba maebakae ua ia do.orangko ja.rikna skaha. Ba
 ngbangko ka.sinjrimjrim bile aro Sylseh srapjaoa
 bilwenwentaitaie ia manggni do.orang uko dilanga
 ha. Saljatchi ong.nasiona kingking uamang re.ang
 aha aro Sylseh neng.beaha. Unon, apalbegipa dam
 sa a.kawe Sylsehni mikkango gnangchim. A.kawe
 ni jakrachi, apalgipa chiring dilsani chidare gnang.
 Chidareni chiara, chubaoni rong.brakjoljol tangon
 baachim aro uni onchongani gam.a mikka kimani
 gam.a gita. Onchongramo chi pokpekenga aro sal

tengchakao guuri chadoenga aro ba.ranggipa aramui
 bimango gipin biaprangchina ka.sne ka.sne balwa
 baksa jitangenga. Aiao maikai nitoa! Ka.machi
 chidareni chiring baona chel.anga Sylseh uija. Chi-
 ringo aro chiringni samtangtango dal.dalbegipa ro.o-
 ngrang gnang. Ro.ongrango chi nangtingara, sal
 teng.ao jrao jrao, chingchet chingchet nitobeachim.
 Chini rikamo a.brhipak, nitogipa bijak aro bibalni
 bolrang bangbata. Badiaba man.e cha.gipani bibalni
 bari gita uko nikpila.

A.kaweni jakasichi chonchongipa a.brirang gnang-
 Ia a.brirang, a.timborang gitan on.g.a. Chonchon-
 gipa chiringrangko Sylseh uarango nikata. Burung-
 ko bange nikja. Cha.na nangipa biteni belrang
 kosa uchi nikatbata Sylseh, ia biapo pangnan ong.na
 skaha aro an.tangni ma a paako iano dongkamatna
 manode nambeachim ine chanchiaha. Sylseh, ia
 nitoanirangko nike an.tangko dilbagipa manggni
 do.orangkode dikdiksa gualaha, aro nigitoe da.o
 bangbangkosa nikaiaha.

Do.rongrangna ka.pake duk ong.e, Sylseh rang.
 speengmitingo, ontimgipa chidareni balwa ong.kate
 uni mikkango ga.nanggipa a.ani kosakona chidareni
 guuriko balpakbaaha aro a.gimikkon pindapaha.

Dikdiksani ja.manon guuri bon.angaha aro nitobegipa pokkri ua apsan biapo chadengskaaha. Pokkriko duule chongipa, rongtalgipa rama gnang. Ramako ja.rike samtangtangan ro.ongni ongipa guare-rang donga. Nitogipa bijak aro bibal gnanggipa chonchongipa boldimrangba uno gnangchim.

Ia chibol (pokkri) ni chiara, ritehakanio ritenga gita chichaaha aro chichaa bon.ahaoa chibol gimikni chian tangsekbeaha. Batanggimin a.gilsakni kamrangko, Sylseh uano nikna man.a. Ma.a paani songgitecham, uamangni noksulrang aro maikai ma.a paa uno uamangchi jakkalako manaha iarang pillakko-ba Sylsehna ia tangsekgipa chio mesokaha. Ma.a paa, iarang pilakko panguaba Sylsehna agankuja. Ma.a paani ia aiao in mangipa dukrangko nika, Sylseh namen grapaha. Skanggipa mesokani batanga-ha, chi chichataeaha aro rimitgipa chi nakatskaaha. A.gilsakni ongenggipa pilak kamrangko ia chio Sylsehna mesokaha. Sylseh mongsongbate ma.a paani gitecham noksulrangni gimin gisik nangbataha. Ma.a paani gitecham noksulrangni me.asa sakan-tikon burungni matcharang saksani ja.mano saksako nisienga. Uamangni pilak mi jamrangko salgini wa.al kamenga. Bisarang, cha.aniko man.jae aro pagri onge nokantion graptokenga aro mechikrang setangtangko gimaate kalimenga aro tangdilani

cholna sintee graptokenga. Songgimiko grapgipa gitchu, songo saksaba an.songgipa grichim. Sylseh iaranko nike duk man.chakaha aro graptaiaha.

Gnigiga mesokaniba batangaha, chi chichataiaha aro grikgipa tangsimgipa chi ong.skaaha. Iano mikkangchini gimin Sylsehna mesokaha. Salgioni aski rongsa ua chibolni chio ga.akaha. Ja.manrikrik, sakgni manderang chiningoni tang.dobaaha. Uamangoni saksara, askiko nikarion watnapgijarim.kotkotaha aro sakgipinara askiko namnikjarangchim. Aski chini kosako wilwilaha aro uko namnikgipa mandeba un baksa wilwilpaaha. Askiko namnikpagijagipa mandede janggal tike chio jroe dongaiaha. A.gilsak aro a.gilsakni pilak jatni manderanko aro uamangni pilak aiao inangipa changa sapaniranko Sylsehna ua chio mesokaha. Askiko namnikgipa mandeba ua pilakko aski baksa wilwile niengachim. Aski ua mandena inaha. "Naaba changsao ia pilak changaniranko changgen." Unikoa aski ka.sne ka.sne tang.dona a.bachengaha aro askiko namnikgipa mandeba aski baksa tang.doangaha. Tang.doangmitingo, aski Sylsehna inaha "Sylseh, nangni a.songo, changsao anga ga.akgen aro nangni dedrang ang baksa romromgen aro ang baksa salgiona gadogen." Askiko namnikgijagipa mandede, chio andalao gimaangaha.

Dikdiksani ja.mano chibol dongjaha aro ua ap-
 san biapo guurini dal.begipa pakmasa chadengskaaha.
 Sylseh mikjaptaeoa ge.sa milgipa jak pakmako chile
 ong.katbaaha aro guuri ning.oni Sylsehna ku.rang
 on.aha. "Sylseh, nang.ni jakra jakasio kerarangko
 chimongbo aro uarangko ge.prakprak angni jakni
 tongtong donbo." Sylseh niwilwale channa ampil-
 gija kerarangko nikaha. Uko ge.eta gitan Sylseh
 kerarangko chimonge pakmao nakatgipa jakni tong-
 tong uarangko ge.prakprak donaha aro adita ruutoa,
 pilak kerarangon mirang gaptokaha. Ia nikanio
 aiao inmanbee chanchiengmitingon pakmani ning.o
 ku.rangko knataiaba. "Ia mirangko nang.na aro
 nang.ma nangpana ra.angbo." Sylseh ia patianina
 kusi ong.beaha indiba sachi, basako iarangko ra-
 anggen.

Sylseh iako jajrengbee chanchiengmitingon guu-
 rini pakma gimaangaha.

Dikdiksanaade Sylseh ia nitogipa a.kaweo da.o
 saksan ong.taiaha. Chidareni chisan uni nachikolna
 gam.aiaha, aro a.kaweni bibal aro gipin nitoanirang-
 san uni mikronna dongaiaha. Salgichiko nigitoe
 Sylseh salko nikjaha indiba a.kawe andaljachim.
 Iara jumangni a.kawesama! Sylseh iarangni gimin

chanchisrapkujaon a.kaweni damsas noksiko saksamandeni bi.mangko niksoaha. Bilakbegipa saksapante jakasini pakkreo bilsignini mongma bisako aro, jakrani oksambengo bilsignini matchok bisako de.e tarakbee, bakrani jatchiko Sylsehona rebaenga. Iamongma aro matchok bisaranga ma'gri duk man. giparang ongachim. Iapantekoara Rakban minga. Ian Sylsehna grongchenggipa mande ba pante ongachim. Sylseh ia panteko nitonikbeaha. Uni bilakaniko Sylseh jumang ine chanchimarpilaha. Rakban panteara da.o Sylsehni sepangon chadengenga. Sylseh ia pante baksa agangrikna skaha. "Patina. mangipa, salgi aro a.gilsako dongode ia panteara angnin ong.genma! Sylseh chanchiaha, Sylseh ia pantena mikkangtangko maikai mesokgnok aro agangrikna maikai kuchiltangko ognok! Ua kratchaenga, aro mikkangtangko donnuna sikkunga. Indiba mikkangko donnuna uno mamung champenggipagri. Iamang pante metra dao gronggrikaha. Dakman.begipa aro kangalbegipa ma.a paani bisa ong. aioba Sylsehni nitoa Rakban pantena aiao inmanpilani ong.achim. Rakban uko salgini metra ine beberana skaha. Indiba Rakban, pangnaba ma.sigija jekoba bebe rajachim. Chongmotko uina ske panteda.o Sylsehni sepangbataona sinbaaha. Rakban. "Na.ara sawa-Salgionima?" Sylseh kratchaaha indiba Rakban sing.taitaioa, antangni gimin aro ma.a

paani giminba ong.gimin pilakkon una agane on.aha. Rakban duk manchake aganaha. "Bil ama dipet mikangchi anga na.simangna dakchakgen." Ia aganchakani Sylsehna chuongja. Sylseh da.o aganna ka.dongkalahachim. "Na.ara sawa, bano donga aro nang.o jik-de dongama?" Sylseh ka.sne sing.aha. Rakban Sylsehko on.titi nitataha aro ka.dingsmite aganaha. "Angni ma.a paa sawa, bano donga aro maekae janggi tanga anga uikuja. Angni dongram ianoni chelbegijao a.timboo dal.begipa rongkol ong.a, Anga angni ma.a paa baksa agangrikna skode jensaloba man.a. Cha.a ringani anggo pangnaba bonja. Matburungrangni rajane angni ma.a paa angko ina. A.chik a.songni matburungrang angna pilakan bama. Anga uamang pilakni agananiko uia aro anga uamang pilakan aganna man.a. Anga pangnaba silchidareko ra.bitja maina matburungrang pangnan angna kam ka.na taria." Iako knae Sylseh aiao inmanbeaha aro an.tangara cholipagijagipa ma.a paa.o.a atchigipa me.chik bi.sa ong.aiani gimin Rakban pantena an.tangko kranikpajae, an.tangni ka.tongo mikchaa.niko parakna ka.dongjaengachim. Indiba, Sylseh basako ia cholko mant.aekugen! Aro ua salona sengkunara uni ka.saaniara, bisi gita uni ka.tong aro an.gimikko saknaatjawama! Sylseh an.tangna inaha. "Angni chonbegipa ka.tongo angni ka-

saani gnang, indiba angara me.chik ong.a aro me.chikni ka.saaniara uni ching.chaan salo ang.gimikna bata aro uko mamungba kimitna man.ja." Sylseh dikdiksana sriksrik ong.aha. Indiba uni ka.saanian, kasne uni ku.chilko otaiaha aro jumango gita Sylseh agantaena a.bachengaha. Sylseh inaha. "Nang.na angni ka.saaniko na.a ui.ama?" Rakban ka.dingsmitaha. "Kangalgipa aro bilgrigipa me.chikni balbojara nang.ko jrimatbegenma?" Sylseh intaeaha aro Rakban ia sing.aninaba ka.dingsmitaeaha. Na.a angko matburungrangni rani seokna namnikpagenma?" Sylseh singangkuaha. Ia pilaknan Rakban kadingsmitaeaha aro ku.saba aganchakjachim. Sylseh duk man.beaha, kratcha.aha aro a.ao Rakbanni jaa gitile sia gita ong.aha.

Rakban, Sylsehni samtangtang pakpilrango rim.e, uko de.tome aro jakrani jakko wate janggilo doktope inaha. "Ka.dingsmitanian angni ku.rachakani ong.a. Nang.ni duk angna jrimjawa ine anga uija indiba nang.ko dakchakna nanga aro janggini ripeng ong.na nang.ko seokna nanga inesan angni gisik da.o angna aganenga. Nang.ma nangpaona re.ange ia pilakkon agane on.ebo." Sylseh miksele knatimaha aro ian uni ka.tongna knatoani ong.a. Indiba gipin sing.anirang Sylseh-o dongkua Sylseh "Basako anga matburungrangni rani ong.gen?" Rakban—"Da on na.a matburungrangni rani

ong.aha." Sylseh—"Indide, an.chingni nok bano".

Rakban—"Ka.sagrikani jeo atchiaha uon onngen?"

Sylseh—"Basako an.ching pa ngnaba ekgrikjawaha?"

Rakban—"Nangpani namnika sal ong.china."

Sylseh watnapjabeoba, ma.a paa jajrenge am-engaha ine ua gisiko uiaha; maina Sylsehko nikhija uamang sal gittam wal gittam ongaha. Rakban antangni mongna aro matchok bi.sako de.tome, an-pile re.angaha aro Sylseh Rakbanko nikenga dipet nipiltaetaie aro katongo chanchianian gape, ka.sne. ka.sne ma.a paani nokona rechakataha. Una pati-gimin mikode Sylseh gualaha.

10

Attangro, sal saliramo katchae napangengon Sylsehni ma.a paa a.bani kamko wate nokona rechakataha. Sylsehni gominani kurang uamangni nachikolo tangenga aro nok sepangoa ua kurangko knataena uamang ka.dongaha. Indiba gomina, ba matburungni kurangkoba uno knaja. Nok srik srik ong.aeaha. Ma.a paa aiao inmanbeaha aro nokona soksrage Sylsehko nikjahaoa, uamang jaj-rengaha. Wal re.baaha indiba Sylseh re.bakuja; waljatchiko nika indiba Sylsehko nikkujachim. Ma.a paa da.nang, walgimiko aro pringo Sylsehko nikjae mamungkoba cha.jaha. Salaramo salko nik-sotaeha indiba sal Sylsehko rimbajaha.

Ma.a paani duk aro jajrenganiko uamang antangtangan ui.a. Noktango sengsoani uamangna namgni dongja. Sylseh re.bajaha ine uamang chanchiaha aro sepanggipa burung aro chisamrangoniko am.na da.o uamang nangnikahachim. Indiba, uamang chelbee reangkujaon, ritchabegipa guuri uamangko chagopaha aro bachi re.gen aro bano Sylsehko mangen, ka.dongani gri ong.e, Sylseh noktangona sokpilkujana kingking ma.a paade guuri ning.o brange dongaeaha.

Indakmitingon Sylseh nokona sokaha, guuri chadoe bon.angaha aro ma.a paa noktango neng.takna re.bapilaha. Sylseh aro ma.a paa gronggrikaha Sylsehni jako gomina donga indiba ua uko gamatjaha, uni mikkango an.senganiko mesokani gri aro uni ka.tong jrima ine ma.a paa nikaha, Una mai.a.sel ong.a, ma.a paa Sylseh.o sing.na jajae dongengmitingon, bang.bea mongmarang Sylsehni kerarangka janggilo gate re.baaha. Sylseh aro uni ma.a paa mini bang.bea kerarango mongmarangoniko raonaha aro neng.bee ka.tapo ka.tapo rang.sitaha. Sylseh mongmarangko mitelaha aro uamangna, man.sogimin mioni mitamko cha.na onaha. Ja.mano Sylseh, pilak antangni aiao inmangipa nkgimin aro maikai ua Rakban panteko grongahahachim ma.a paana sgane onaha.

Sylsehni ia agananirangko knae, ma.a paa aiao inmanbeaha aro uni Rakban panteko gronganio uamang namen kusi ong.aha. Indiba Rakban antangni ku.rachakanio tanggenma? Sylseh aro Rakbanni nok apsan ongkujana kingking uamang bebe ra.na man.ama? Ia kenchakania Sylseh aro ma.a paani ka.tongko dongtoatjaenga. chawarina kotip on.sama-ni kam da.o batangaha; maina me.chik uni ja.o siaha aro uni jako chakatpilaha. Me.asa an.tangni mikkimchi ku.rachakaniko Sylsehni ka tongo ge.aha. Uamangni nok jamni bitchriko, Rakban antangan Sylsehko grongramo sataha, ua chakujasan ong.a. Uni gimin Rakban aro Sylsehko dingtanggrik biapo donangkuna ma.a paana gisik seng.ani ong.ja. Sylseh-o rokomgittam rongui ba.rarang gnang. Uarango on.tiprak rokomantiniko rate, Sylsehni ma.a, ku.chot samsako saldime koaha. Do.rongrang, ge.etaniko chusokatna sengtimenga gita nok kosako bangbango bilengachim. Sylseh uarango nike, kodingimin ba.ra ro.dingrangko aro sonani gomina-ko do.rongrango on.aha aro Rakban panteona uarango balangchina patiataha.

Do.rongrang Sylsehni aganagitan uarango ba.langaha aro Rakban uko man.soe, uamangni mangsonga gimikko ui.aha. Sylseh an.tangni ia gamrang-

ko on.ata ; jechin, ua an.tangko Rakbanna on.aha
 ine mangsongachim. Ro.dinggittam ba.rarang : Sal-
 gittamni ja.mano. Gomina, Sylsehni brigipa gam
 ong.a ; jechin Sylseh, salbrigipao nok ap.sano jik se
 on.e jringjrotna dongna ska ine mangsongachim.

12

Rakban, pante ong.angkuna skaha. Indiba an-
 tangni ku.rachakaniko pe.aniara, mande so.otanina
 namjabatgipa kam ong.a ine ua bebera.achim. Uni-
 gimin, Sylseh aro ma.a paani ia mol.molaniko tom-
 tomo rachaknan Rakban tariaha. A.ani matburung-
 rangko, chonchongipa aro daldalgipa gimikkon oka-
 me, uamangna raniko seokani somoe ong.aha ine
 aganprakaha. Dal.begipa, nitobegipa nokko, nito-
 gipa bari aro guare gnange sal gittamo rike chuso-
 katchina Rakban uamangko ge.etaha.

Matburungrang aro bilgipa malgiparang pilakan
 an.tangtangni dakna changa kamko jechakgijan
 ka.chakataha. Okipu, jong.ma aro ugita a.ako bitna
 mangipa matrang, chugipa a.timbo dotsako, a.kin-
 rangni ku.patianiko man.e, kosak aro nokdringrang-
 koba rajani nokni bimangna krae tariangchengaha.
 Daldalbegipa rong.totrangko, dingtang dingtang
 biaprangoniko mongmarang chimongbae nokna tari-
 gimin bimango, krong, a.wase, pakma aro nokking-
 rangnaba jean jena kraa, kragipa ro.ongrangko tapea-

ha. Nokko rikdiligipa a.kinrang, stapgipa a.sterangko ra.e, an.tangtangni ku.chichi rakataha aro uarang on.titiba ilengjahachim. Song.a chanani nok, mande rochakani nok aro barini guarerang gimikon, uamang salgittamo matchotaha. Uamangni raja re.bae nioa nitoriri nimanaha. Krongrang aro pakmarango gamchatgipa ro.ongrang bibalgita tengsuenga. Nokningo pangnaba andalja; maina teng.sugipa ro.ongrang krongantio gapachim. Rakban raja chuongnikaha aro matburunrangko mitelaha.

13

Brigipa pringko Sylseh aro ma.a paa niksoaha. Do.rongrang pangnan uamangni sepango donga. "Rakban rajara an.tangan re.banaba gnang" uamang agangrikaha. sal chuaha indiba Rakban raja re.bajaha aro mamung kattaba sokbajaha. Sylseh aro ma.a paa duk manaha aro manggni do.rongrangko Rakban rajaona watate niaha.

Rakban raja uamangko an.tangni nitogipa noko rimsoe aganaha, "Mikrimtip (Muni) rajaona re.ange uni nambatgipa tusiatani samko ra.e Sylseh aro uni ma.a paaona re.angbo aro uamangko tusiatebo." Mikrimtip rajani songara salsa re.ani rama ong.achim Rupani do.rongrang unona dikdiksaon sokangaha. Mikrimtip rajani nokona, raja an.tangna agre pilak-

ba napna amjachim. Malgipa, regipa aro do.drang mangmangba uni nokko batsotna manja. Mande, matburung, malgipa, bilgipa pilakan ong.nasipile iako ui.a. Uijae naggipa ba bilgipa jeba ong bo, raja una dakchakjaode ua panguaba mikraktaeja. Rupani do.rongrang uko uia aro nokko bilsotani pal aro nokningchi bilnapanggija, rajani nikrang-raosa tusiani samko bi.eaha.

Mikrimtip raja, antangni pakmao gesa tang-sekgipa aenachi an.pile, tusiastani samko sawa am.a aro sana nanga nichengaha. Manderangni bimang aenao nakataha. Skanggipa noksa Rakban raja jakrani jakko anchakenga aro jakasichi maekoba jaksi otenga. Gnigipa noksa- Sylseh aro uni ma.a paa, duk ong.bee maekoba nichakenga aro uamang agangrikjachim. Iano ua, tusiastani samko Rakban raja nanga aro uko Sylseh aro uni ma.a paana nanga ine mikrimtip raja uiaha. Mikrimtip raja, rupani do.rongrangko watatpilaha aro Sylseh aro uni ma.a paa tusigen ine aganataha.

Mikrimtip raja, Sylseh aro ma.a paaona, a.ning-joljol ka.singipa balwako aro balwa baksa tusiastani samko watataha. Duk man.enggipa Sylseh aro ma.a paa ia tusiastani samni bibako man.e, pilakan rang-gitik gitile tusingaha aro tusipekaha.

Do.rongrango ia uiataniko mane, Rakban raja, do.rekni dal.dalbatgipa jakrangko jakgittam rosee Sylseh aro ma.a paaona watataha aro jong.bitipni ritchagipa kinggittam ba.rarangko, jakprak do.rekrangna kingprak on.e, uamangni ku.sikrango ba.rani ku.chotrangko chikape badalatenba tusienggipa Sylseh aro ma.a paako sakjoljol bangbangko an.tangona debachina ku.patiataha. Do.rek jakrang kusi ong-bee ia geetaniko dakna bilchakatangaha aro salgi andalpilaha. Bakbakan uamang, Sylseh aro ma.a paaona sokange uamang pilakkon Rakban rajani nokona sakjoljol bangbangko de.baaha. Tusienggipa Sylseh aro ma.a paako do.rekrangni balanggipa ba.rarango de.tome tuatna sawa dakchakaha uko do.orang an.tangtangsan'ui.a.

Rakban raja do.rekrangni kamko namnikaha aro uamangko mitelaha. Sylseh aro ma.a paa mik-rakkuja. Rakban rajani noko Sylsehna sonani tuchakani gamchatgipa ba.rarangchi andaggimin donga. Nokol me.chikrang re.bae Sylsehko ua biapo ka.sne tuataha. Sylsehni ma.a paanaba te.gipin rongni nok donga aro uamangna rupani tuchakanirang aro andaggimin gamchatgipa ba.rarang gnangchim. Rajani gipin nokolrang, uamangkoba donso-gimin nok aro tuchakanirangon de.tomange tuataha Indakmitingo song.timgiparang aro gipin gipin kam-

rangko ka.giparang antangtangni kamrango bim-
chipbeengachim.

Saljatchi badeangaha, pilak tarianirangba uno
matchotaha. Sylseh aro uni ma.a paa dingtang
dingtang noko mikrakaha. Uamangna maerong-
pile da.o jajaani aro nikanirang aiao inmanbeani
ong.a. Mikrakaha ine uamang antangtango bebe
ra.na man.jaha. Sengtingipa nokol pante aro me-
trarang uamangko salam ka.e, ian jumang ong.ja
ine pilni pil aganahaoba uamang bebe ra.na manja-
chim. Nokni dringrang nitoriri aro krong aro pak-
marango nitoriri mikbrappile teng.suanirangan gapa.
Noko, dangdike on.gipa nokolrang bringbring re-
ruraenga. Mae nikaniko nika, mikil repreptaetaie
chanchioba, uamang antangtangko mikrakaha ine
bebe ra.na kenaha. Ja.mano, Rakban raja antangan
Sylsehona re.bae Sylsehni tuchakanio asonge, ong-
gimin pilakkon aganaha. Sylseh kusi ong.beaha aro
ia pilakkon ma.a paaona re.ange aganoa uamangba
bebe raaha aro kusi.ong.beaha.

Rani ong.na dousogimin gamehatgipa gana chi-
naniko gansree, aro smilgipa chini bibachi be.en aro
skoko chijimate kni chitmanahaoa: Sylseh nitobat-
kuaha. Aro nok aro bari gimikan Sylsehni mikkim

aro nitoanichi nitoatdapako manaha ine Rakban raja an tangan ui.aha.

Ganman chinmane, Sylseh aro ma.a paa damsan gronge, rajani nokni niwatramo a.palni ongenga pilakko niwatna Rakban raja baksa chadengaha. Sylseh, an.tangni nikgimin dal.begipa aro nitogipa chidare aro uni ka.mao bibal aro nitogipa bijakni bolrang gnanggipa bakrogipa chisamko nitoriri nik-taeaha. Smilgipa balwa pilnipil rajani chugipa aro nitogipa nokko batsota. Chidareko batsotgipa ka-singipa balwa, a.kawe gimikon gipanga aro chidareko mikkang chake niwatram, mik hajalbonga chelao rajani nok aro nitogipa a.briona, sal ding.gipa saljatchiomangba balkasin dongkama aro dikdikantion gital gisikko uno donggipa pilaknan on.a. Nokni guareni ning.o bibalrang, raja aro raniko man.ana ka.sroke chrokenga gita ka.sne aro ta.rake il.ongenga. Barini ontiti a.palo, a.gimikni pilak re.gipa, malgipa aro bilgiparang niksok chansokpil-gija, Rakban aro Sylsehko an.tangtangni raja aro rani ine ra.chakna kusi ong.bee sengenga. Sylsehni ma.a paako a.rikatgipa songni pilak me.chikrang aro uamangni dedrangkoba Sylsehni ma.a paa iano nika-ha. Uamang da.o Rakban rajani songo katnape, jakgitel ong.e game cha.gipa ong.gen. Sylsehni

ma.a paa uamangko nike kusi ong.aha indiba uamangui kopalna duk man.chakaha. Mikrimtip rajaba unsalo okamako man.paa aro Rakban rajani noko pilak katchaaniko man.paaha.

Maerongpile ia nikanirang Sylseh aro ma.a paana aeao innanani aro ka.srokani ong.a. Sal saliramchi onchokangoa, a.gimikui pilak mongmarang kusi ong.e aro sundultangko de.tome ku.rangtangchi; Sylseh da.ontal chingni rani ong.aha ine damsian inchroaha. A.kawe aro a.bri gimikko il.Engpilaha gita nikaajok. Ugitan, ma.malanti matburungrang, ma.malsani ja.mano ma.malgipin, chonbat.gipa malgipa aro bilgiparangba Sylsehi rani ong.aniko inchroe ra.chakaha. Bon.chotao, matburungrang aro noko donggipa gimikkon an.sengatna aro an.tangko rani seokaniko ra.chakna, sonani gomina.ko ra.ote, Sylseh rani totaha. Nokgimikan katcha.beaha. Wal re.baaha, matburungrang biaptangtangchi neng.takna re.angaha.

... yang manungko niko kuni ongaha indira un-
manyani kelpala duk manchakaha. Mikirindip
rajada unaso otamako man pas ato Hakban rajani
noko gilik fatal, azniko man gante.

... ataronggila ia nikanrang Syahid ato mas.
paana neso jinnuanf ato karokani oya. Dal
... aninamelli cangkokos, a'gionkini jilik mangma-
rang kuni ong ato anduhingko datome kurang-
teangchi; Syahid d'ental shingni rasi ongaha ina
damnan inchocha. Akawe ato a'ni gilikko k'ang-
gilita ato mihakok. Uytan, manatanti matan
... manatanti jamaro ma, malyidin chonday
... gipe mangpa ato dipiparangpa Syahid rani ong-
... aniko inchocha kachakaha. Bonchotao, maburung-
rang ato soko donggipa kintikho anachotao ato
... an'rangko rani sachakho ra chakni, coasal gominia-
... ko ro ole, Syahid rani totaha. Nok giminias katcha,
... beba. Wal k'ebaba, maburungrang dipiparang-
... oli neng, lakna re, angaha.

...
...
...

A.CHIK AGANME.APAANIRANG BA TOE
AGANANIRANG.

1. Achak kore chaa, wal,ja ga.tinggela.
2. Achak nokking gapila, mite tongrengmasia.
3. A.dalko so.ara a.brengkosa kama.
4. Agano bang.anga doktapo jelanga.
5. A.jong katta jeade kong.keng dareng, olmak
bu.su bu.ade kong.keng sikkeng.
6. A.kakkiko kitna man.jae a.dubekko kita.
7. Akkaruna kobokna jumang nika, Lau paeal
gongdangna sima chaa.
8. Amreru do.me pota, amjachingo do.jasia.
9. A.rano timati bita Wachio aringga roa.
10. Bakjorena jalangko kaa Rojorena ramako
baka.
11. Balwa il,il moosa, stil nageng onosa.
12. Bitchitangko rongrua Bi.satangko rongsata.
13. Bolchudengko balwa pe a Rakgipako goera
goa.


14. Bolsal danipa gita, Songo rong.dotma gita.
15. Budu webatgrikode sepi milam engtoja.
16. Changsa chipu suode kan.churina kena.
17. Cha.na ino a.nema, Chuna ino mesenga.
18. Chibrimko matcha chika gita, Mongmako
do.reng bala gita.
19. Chonmitingo do.chokna dola, Kuro siko
bolgrona sola.
20. Desa do.mikil, ka.pong do.kimil.
21. Dileng do.mika chiru a.gata.
22. Do.bok peru sala gita, Jena jana matjol gita.
23. Do.bok bagha kaa gita, Achak wa.tok pata
gita.
24. Do.burungko rim.na manja, Do.noktangko
dokna namja.
25. Do.ka manggisim gita, A.ba bolchongdik
gita.
26. Do.po debaa gita, Peru am.pak doka gita.
27. Do.sik medong ratpako nasia, Chalang no-
mil rim.pako gajia.
28. Do.siko goara do.makosa nanga.

29. Dugaa bakгаа ka.soa ka.reka.
30. Gisik do.mesal mik-o mikasal.
31. Golangsi dama doka, Du.ading wa.se koa.
32. Grongon a.ki dongja, Ki.meon samte bakja.
33. Ja.chingtangan matpila, Grongtangan bu.
pila.
34. Ja.gitote ja.mata, Nigitoe miknapa.
35. Jan' dama dokana bangsi sik angpa.a.
36. Jikna dena kok, Ma.na nona ok.
37. Jik sena pagol, an.tangnasa dobol.
38. Ka.dingwareka namja, Aganchokcheka talja.
39. Katalitang matatang, Jaktikatang mikhi-
tang.
40. Ka.tongo doko janggilo saa, Janggilo doko
ka.tongna tika.
41. Ki.chil bilgaka gita.
42. Kilding rika gita, Ma.kol jela gita.
43. Ki.na siko ki.gol pe.a, Okkrio cha.na am.a.
44. Kni sosirima, gandil ga.titrima.
45. Ko.kil gitok ra.a, Dam.bok gitok toa.
46. K u.manchia gita, wal.du ra.a gita.

47. Ku.simike manako jakpa doke jokata.
49. Maltangba chikpila, Mattatangba kepila.
49. Ma.mikkangko ma.talja, Demikkangko
ma.sija.
50. Mangganchio mangko so.a Mangmituo matja
kola.
51. Mangmemango mangrepaka, Manggisio
manggirapa.
52. Mandeko inbo mikkango, Mongmako gobo
mikkingo.
53. Man.mano man.dika, Nikmano nidika.
54. Ma.ni pani sing.ade kora, Antang nike
dongade goera.
55. Ma.saudio ma.nok man.a, Rorambato jong-
eka nika.
56. Mat an.chi pila gita.
57. Matchok ine rikaenabe, Matcha ine katae-
nabe.
58. Matchok me.sam sano matchaba katrika.
59. Matma skoko done ang.ke knoka.
60. Matpu deminoka, Do.bitchitang ringa.
61. Mema rongpinapgrika, Spin tang.pinapgrika.
62. Me.mangna medinchaja, Nokmana bisi tikja.
63. Mia misi ga.gong, Mande ska saljong.

64. Mia misi wa.pango, Ranga gama biltango.
65. Mikkang tochironggipa bala, Bimang jane-
aegipa am.a.
66. Mikka bitchi ringa, Ru.at nade gana.
67. Mikneng berigrika, Sara nokkra andala.
68. Na.chi gita kolsanni, Ang.ke gita ma.sanni.
69. Nokbichongna dona, Drubolna tika.
70. Olmak bu.su bu.a, Chiko atte den.a.
71. Peo gingraramiting, oko ki.raramiting.
72. Salaramni mite sela, Mitesakni mite raka.
73. Salo ramo ran.jajok, Chio su.o taljajok.
74. Sara apalosa a.ginchiba skila.
75. Silskako silchi sika, Meskako wanti pua.
76. Singurie katnapa, Bakkandie bak man.a.
77. Su.a rongberekosa nama, Choa balterakosa
tala.
78. Tesurio ga.bingbanga, A.kiloko ga.tuanga.
79. Tikchi sko u.sika, Jikchi sko sa.dika.
80. Til.ek nagandea, An.cha romesaa.
81. Wal.du ra.e wal.chaa, Kingkang sale cha-
baka.
82. Wa.ring moo jongska sia, Kilte ako ma.nok-
rang gama.
83. Wa.se besa kaea, Dolme mejolaea.

- 84. Misa mishiwa bangit Kanga hane liffango
- 85. Mikkang roochongqis bale Bimang jang
nagisa ama.
- 86. Mikka bifehi niga, hual naba kama.
- 87. Mikkang bairikka, gata nokta andala.
- 88. Ma chi gin kolaaui, Ang ka gita masana.
- 89. Mochibongus hana, l'xuboto tika.
- 90. Omas ba su bu a, Chik' ato dana.
- 91. Poo-gigara-ruating, oho ki-ruaming.
- 92. Ralarami nite sala, Mitesani nite taka.
- 93. Sato yamo ran jajok, Chio ano tafajok.
- 94. Sata gajosa a gindula skila.
- 95. Sihakto ailehi sika, Meebako wanti pua.
- 96. Siganne kannaq, Bakkaude bak mana.
- 97. Suan rouporokas nana, Oho balorokas
tala.
- 98. Touno gadinganya, A kiloto gatuanga.
- 99. Tikchi ako naka, Jikchi ako sa dika.
- 80. Tikak naganba, A ocha romana.
- 81. Waldo na e walcha, Kingkang sato cha-
bala.
- 82. Wang moo jongka aie, Kille ako ma-
rang gama.
- 83. Wasa beer kasa, Doina mejoasa.



PALRAM.

*S. K. Library,
Resu-Belpara,*

*P. O. Mendipathar,
Goalpara ; Assam.*